

Manifestazioa egingo dute Ermuan Blancoren urteurrenean

Bertako Udalak antolatuta, igande arratsaldean izango da

Ermuko Udalak manifestazioa antolatu du datorren iganderako, Miguel Angel Blancoren hilketaren urteurrena betetzen baita. Mobilizazioak ez duela oroitzapenezko ekitaldia soilik izan nahi esan du alkateak, bakearen eta askatasunaren aldeko ekitaldia baizik.

Agentziak / Ermua



Carlos Totorika, Ermuko alkatea, artxiboko argazki batean.

LUIS TEJIDO / EFE

Blancoren omenezko ekitaldiak larunbatean hasiko dira: eserialdia egingo dute kandeletan, gaueko 23:00etan.

Duela urtebeteko gertaerei eta ondorengo erreakzioei so eginez, Carlos Totorikak Ermuko izpirituak herritarren artean bizirik jarraitzen duela azaldu zuen atzo: «Bakea lortzeko lan egitea beharrezkoa dela ulertu dute herritarrek». Alderdien batasunari dagokionez, ordea, ez dela horrela esan zuen Totorikak: «Argi ikusten da ez dagoela batasunik, eta horrek ETArean demokratek indarra ahuldu egiten du».

Bestetik, Ana Crespo Ermuko Udalean PPko bozeramaileak ondokoa esan zuen: «Ez dakit

zerk etsitzen nauen gehiago, hurrengoa ni izan naitekeela pentsatzeak edo alderdikide bat izango dela pentsatzeak». Miguel Angel Blancorekin batera zinegotzia zen Crespo, eta hildako zinegotzia goraiatu zuen. Blancoren hutsunea sumatzen duela esan zuen: «Laguna ere bazen, asko balio zuen mutikoak, eta ilusio handia jartzen zuen egiten duen guztian».

Blancoren heriotzaren ondotik bere bizitza erabat aldatu dela esan zuen Crespo; «aske izatetik ez izatera alde izugarria dago». Mobilizazioak indartzeko beharra ere aipatu zuen PPko zinegotziak «nahikoa da» esateko. Demokratek duten arma bakarra mobilizazioa dela adierazi zuen. X

XOUSA SIMAL




Segurtasun batzarra udan biltzea nahi du Atutxak

EAEko Parlamentuko hauteskundeetarako lau hilabete faltan ezagutarazi zuen Juan Maria Atutxa Barne sailburuak hauteskundeetako emaitzak Internet bidez zabaltzeko zerbitzua. Sare informatikoaren bidez kontsultatu ahal izango dira azken 28 hauteskundeetako emaitzak; partidu politikoak, hautetsiak eta boto garapena ezagutzeaz gain, konparazio-analisirako tresnak aurki daitezke. Hau da web orriaren helbidea: www.euskadi.net/ecciones. Horrez gain, orain gutxi Eusko Legebiltzarrak onartutako boto elektronikorako azalpen demoa ikus daiteke. Ostean egindako adierazpenetan, Segurtasun Batzordea udan biltzea espero duela esan zuen. Hitzartu beharreko gaiak, Barne sailburuaren esanetan, Ertzaintzaren hedapena eta Polizia Nazionala eta Guardia Zibila «berregokitzapena» lirateke.

San fermin jaiak zuzenean



Goza ezazu festa
giroa Iruñetik
zuzenean Jaiak
taldeko lagunekin



etb
zurekin doa

